

*Un idea di 20 aña pasa ta wordo
rebiba pa Maybeline Arends Croes*

Lo cende lus di kerstboom den 8 distrito di Aruba durante un siman largo

*Cada minister di Gabinete Eman lo
percura pa un anochi*

ORANJESTAD - Den e siman di 14 te cu 17 di December proximo den 8 distrito aki na Aruba lo cende un kerstboom pa trece e lus y e alegria di Pasco den cada distrito y bario bek aki na Aruba. Un idea dia nos gran maestra di musica sra Maybeline Arends Croes, y unda cu gobierno di Aruba ta duna tur su cooperacion na realisacion di e proyecto aki Kerstboom den bo bario.

Segun Arends, e idea aki ta algo cu el a experencia 20 aña pasa unda cu esaki tabata un bunita

momento. El a comparti e pensamiento aki recientemente cu Alice van Romondt cu na su turno a involucra Robert Maduro di Departamento di Cultura y cu algun persona mas a pone algo den otro den un tempo hopi corto, pa asina por haci e proyecto aki bira un realidad. Segun Maduro, a splica cu e lugarnan cu a keda eligi ta basa riba pensamiento di DOW unda cu nan a bin mester tin suficiente forza di coriente y lugar pa ubica e aparatonan. Como tal a scohe e lugarnan abou menciona.

Mes momento tambe ta papia di lugarnan cu ainda no tin decoracion cu asina ta pone cu mas lugar na Aruba tin decoracion di kerstboom. Kerstboomnan lo ser cendi dialuna 14 di December na Noord y Tanki Leendert, diamars 15 di December na Paradera y Sta Cruz, diaranson 16 di December na Oranjestad y Pos Chikito, y diahuebs 17

di December na Savaneta y San Nicolas. Cada Minister di Gabinete Mike Eman lo ta encarga pa sende un di e kerstboomnan aki. Tur e actividadnan aki lo cuminsa pa 7or y caba pa 9or di anochi.

Lo bai tin un ambiente festivo na sendemento di e kerstboomnan aki cu musica di coro Tuti Fruti bdd sra

Maybeline Arends Croes y diferente grupo di gaita cu lo sa di anima e anochinan aki. Cu e proyecto aki a bira un realidad den asina corto tempo ta danki na e cooperacion di tur e departamentonan y instancianan concerni. Gobierno di Aruba ta invita pueblo di Aruba en general pa acudi y presencia e sendemento di Kerstboom den bo bario.

